



Broj: 01-04-45131/23 KM
Sarajevo, 12.02.2024. god.

**SKUPŠTINA KANTONA SARAJEVO
SARAJEVO**

PREDMET: : Odgovor na „Zastupniča inicijativa“

U prilogu dopisa dostavljamo Vam odgovor na pokrenutu zastupničku inicijativu na 10. Radnoj sjednici Skupštine Kantona Sarajevo održanoj dana 15.11.2023. godine, a od strane zastupnice Elze Graković.

Pitanje:

" Iniciram produženje linije alternativnog prijevoznika „Centrotrans sa postojeće relacije Stup – Dobroševići na utvrđenu liniju javnog gradskog prijevoza Stup – Gornji Ahatoviće.

Obrazloženje:

U 2020. godini zbog obustavljenih i nerealizovanih linija gradskog prijevoza na relaciji Stup - Gornji Ahatovići Ministarstvo saobraćaja donijelo je odluku o uvođenju alternativnog prijevoznika. Alternativni prijevoznik ima modificiranu skraćenu liniju a potreba građana MZ „Dobroševići“ pogotovo građana koji žive u Gornjim Ahatovićima je da se ova linija alternativnog prijevoznika „Centrotrans“ produži na relaciji Stup – Gornji Ahatovići, zbog svakodnevnih potreba stanovništva."

Odgovor :

Ministarstvo saobraćaja Kantona Sarajevo aktom broj 04-23-5561-1/21 od dana 04.02.2022. godine uputilo je zahtjeva Kantonalnoj upravi za inspeksijske poslove Kantona Sarajevo da izvrši inspeksijski nadzor a u vezi održavanja registrovanog reda vožnje na liniji broj 26a Stup – Dobroševići.

Dana 28.03.2022. godine Ministarstvo saobraćaja Kantona Sarajevo zaprimilo je zapisnik o inspeksijskoj kontroli broj UP-1-14-11/12-23.1-03131/22 od 24.02.2022. godine kantonalnog inspektora za saobraćaj - Kantonalne uprave za inspeksijske poslove Kantona Sarajevo, kojim je konstatovano da prijevoznik KJKP Gras d.o.o. Sarajevo registrovani red vožnje kantonalne autobuske linije broj 26a Stup – Dobroševići u posmatranom periodu održavao neuredno i neredovno. U skladu sa istim doneseno je rješenje o brisanju iz registra redova vožnje registrovani red vožnje za kantonalnu autobusnu liniju broj 26a Stup – Dobroševići, prijevoznika KJKP „GRAS“ d.o.o. Sarajevo upisan u registar redova vožnje pod brojem 97/04.

U skladu sa članom 22 Zakon o javnom prijevoza putnika u Kantonu Sarajevo („Službene novine Kantona Sarajevo“ broj 01/22), ministar saobraćaja Kantona Sarajevo raspisao je javni konkurs za izbor prijevoznika na 15 linije u javnom linijskom prijevozu putnika u Kantonu Sarajevo, a koje su brisane iz Registra redova vožnje, na osnovu inspeksijskog

nalaza Kantonalne uprave za inspekcijske poslove, iz razloga što nisu uredno održavane od strane prijevoznika KJKP „GRAS“ d.o.o. Sarajevo.

Nakon provedenog postupka izbora prijevoznika utvrđeno da prijevoznik Centrotrans d.d. Sarajevo ispunjava sve uslove iz javnog konkursa, to je u skladu sa članom 28. stav (2) Zakona o javnom prijevozu putnika u Kantonu Sarajevo (»Službene novine Kantona Sarajevo« broj: 01/22), doneseno rješenje o odobravanju prijevozniku Centrotrans d.d. Sarajevo, registracija kantonalne autobuske linije broj 26a Stup – Dobroševići.

Ministarstvo u postupcima modifikacije mreže linija što podrazumijeva i izmjenu itinerera tj. produženje trase linije na registrovanim linijama postupa u skladu Zakona o javnom prijevozu putnika u Kantonu Sarajevo („Službene novine Kantona Sarajevo“ broj: 1/22).

Prijevozniku KJKP "GRAS" d.o.o. Sarajevo registrovan je „Redo vožnje“ za liniju broj 26 Stup – Dobroševići - Ahatovići i isti je u obavezi da se pridržava registrovanog reda vožnje. Ministarstvo je pokrenulo dodatne aktivnosti prema prijevozniku KJKP „GRAS“ d.o.o. Sarajevo da poveća kvalitet realizacije reda vožnje na liniji broj 26 Stup – Dobroševići - Ahatovići, a naročito u pogledu: ravnomjernosti, tačnosti i pouzdanosti reda vožnje. Takođe, zatraženo je od prijevoznika KJKP „GRAS“ d.o.o. Sarajevo provede mjere za dodatnu kontrolu realizacije registrovanog „Reda vožnje“, te utvrditi odgovornost svih nadležnih i odgovornih lica, kao i sankcionisanje eventualno učinjenih propusta, a sve u cilju povećanja zadovoljenja korisnika, u pogledu dužine čekanja na stanicima, informiranosti korisnika o redu vožnje, izvršenja putovanja i smanjenja neudobnosti zbog preopterećenosti vozila.

Pored toga, Ministarstvo saobraćaja će pokrenuti i druge aktivnosti u skladu sa zakonskim i pod zakonskim propisima, a sve u saradnji sa Upravom za inspekcijske poslove.

Također, u skladu sa Zakona o javnim nabavkama Ministarstvo saobraćaja Kantona Sarajevo pokrenulo je javnu nabavku 30 novih autobusa, i to: 10 minibusu; 10 solo autobusa i 10 zglobnih autobusa.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



POVLASNIK MINISTRA
POMOĆNIK MINISTRA

Muhamed Kukan